

Dalg fatt da Deis

Autor(en): **Vital, A.**

Objektyp: **Article**

Zeitschrift: **Annalas da la Societad Retorumantscha**

Band (Jahr): **18 (1904)**

PDF erstellt am: **11.09.2024**

Persistenter Link: <https://doi.org/10.5169/seals-184604>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Dalg fatt da Deis.

Annotaziun.

Il manuscrit, chi appartegna alla biblioteca cantonala e ch'eu publicesch quia, deriva d'autur inconstaint, forsa, sco cha Rev. A. Mohr suppona (Ann. XVI, 149), dal minister Jachen Martin Tütschet da Zernez. Sainza dubi füt el scrit da persuna, chi vivet dal temp della guerra da Baldirun, in rapport alla quala el ans porta divers detagls interessants, chi sulets fingià güstificheschan la publicaziun nellas Annalas.

Cur cha la biblioteca fet acquist del manuscrit, eiran ils fögls liats e cusits confusamaing, in möd cha Rev. A. Mohr crajaiva, chi concuorran quia duos differentas cronicas, l'üna da contenuto biblic e l'otra da contenuto profan. Aviand pero Prof. Candreia lovà ils fögls regularmaing, as manifestet, cha que ais be ün manuscrit, dal qual manca ün fögl. Abstracziun fatta da quaist defet, ais il manuscrit bain mantgnü e bain legibel. Be la 16. pagina ais inascriba e mal legibla.

L'ortografia del original ais mantgnüda in quaista publicaziun complettamaing. Be l'interpuncziun guit complettada, inua chi fet da bsögn.

A. Vital.

1 In nomm da Deis völg cumantzar,

Dalg fatt da Deis völg raschunnar.

O cristiaun, indrett timpaissa inpa,

Co Deis fa taunt dall bain a chi lg saa graa.

5 Nos Deis ad Abraham our da ladolatria lg ha clama,

Our d urz et in canen mana.

Deis ünna lia cun Abraham ha fatt,

Lg ha dat ün filg cun nom Isagk,

Ha imprumis zuond fig dalg benedir,

- 10 Rais e grond pövels dad ell dess gnir.
Schi, cun üna impromisiun,
Chia Abraham des star fidel via dad el cun uratzchium,
Abraham s'ha cun cretta fidel salva,
Ün bap dals crattaivels vain nomna.
- 15 Nos Deis eir færmamaing lg ha prua,
Seis chier figl da ufferar sül munt da moria.
Qua hal cun ferma cretta vuglù far,
Elg aungial lg ha stuüü ustar.
Que ha a Deis zuond bain plaschü,
- 20 Chia Abraham cun færma cretta ha obedi.
Hoatz indi vain el ün bapp dala cretta mansuna;
Nos Deis lg ha in parauis zuond odt inquruna.
Da Isagk Jacob et Esau sun gnüdts,
Da Esau 22 Fürsts sun parschandüdts,
- 25 Da Jacob es 12 filg gnidt naun,
Lass 12 schlattas da els sun desendü naun.
Joseph lg plü pruss dals seis frars eirra,
Et els p livilgia lg sbütteivan
Elg haun in Egipta gü vandü,
- 30 Pissiondt, chel me nuls gnis avaunt els plü.
Siond el gni in grond aproamaint
Da sia patrunna, chi veiua via ad el inamuramaint;
Mo s'haviond el prus e fidel daporta,
Schi es el inotzaint zainza cuolpa in prasun bütta.
- 35 Passa 2 ons ha stü in prasun star;
Mo ell in vratzchiun e fidel parsavarar.
Leya listorgia, schi chattasch tü,
Co Deis lg ha in lg aproamaint surcuri.
Lg rai pharoa, s'haviond sömgia,
- 40 Da taunt sabis nun s'ha ingün chatta,
Chi haya alg rai savü da dir,
Co la zieva vegniva agnir.
Qua es Joseph our d'prasun clama
Et avaunt lg rai pharo manna.
- 45 Tras lg spiert da Deis ha savü dir naun,
Daco chia in 14 ons vegniva als yr amaun.
Ons 7 gronda abudauntz vegnia agnir
E 7 ons chialastria, chia lg pövel gies a reisi a prir.
Qua lg ha lg rai zuond figk adutza,

- 50 Chel saia lg prüm zieva lg rai schanta.
Guarda, in quaunta dingnitad et hunur,
Chia Deis lg ha adutza ün grond singur!
Siond Joseph ün tgnin singur schanta,
Ngiond seis frars gio da Canan lg haun zuond fig hundra.
- 55 Nun lg haun eir brick cuntschü,
Eir zuond brick crett, chel vivess plü.
El ha eir tuot lg pövel da Legipta spisanta,
Eir tuot las chiasaadas da seis frars sustanta.
Siond seis bap e frars cun lur braieda in Egipta gnüds,
- 60 Schi ls ha Joseph cun spaisa cufundüts,
Els ha dats lg melgiar lö da giudair,
Gosen, lg plü bun da Legipta, chis pudes vair.
O Christiaun, guarda quaunt dal bain deis faa
Tras üna prussa persuna a milliera e taunta quantita.
- 65 Que des eir a nuo ottars ans muanttar,
Da tmair Deis e nun pachiar.
Zieva la mort da Joseph siond lg pövel fig adamphia,
Ngivan dalg rai fig parsaquita.
Ün ferm cumondamaint ls ha vlü dar,
- 70 Tuots ls uffauns masckials dals far matzar.
Siond Mose in quel temp naschü,
Seis bap lg ha stü büttar in loua e brichia salvar plü.
Mera, cko Deis ha bain ordina,
Chia la figlia dal rai par seis uffauntt lg ha sü piglia.
- 75 Sia dretta mamma lg ha, payond, lattanta e trat sü;
Par lg abiædi dalg rai gnif el cuntschü.
Haviond el Lagipta banduna,
Ant in Midian es el müscha.
El s'ha eir zuond fig hümmilia,
- 80 Da perchürar la bescha s'ha cuntanta.
Siond ün di sülg munt chel parchürava,
Hal vis ün bösek ardont chi sten sflamiava.
Qua ha lg segner our dal bösek tschantscha
Et ha eir færm a Mose cumanda,
- 85 Chel dess gio in Lagipta gnir
Et a seis pövel da Israel surcurir,
Cun cumond, chel vögliä las isainnas far
Avant lg rai pharo, sco chel vain al cumondar.
Qua hal als Aegipters grondas plæias dat,

- 90 Et als Isralelitors tuot in favur es statt.
El ls ha dats gronda sekdüüm e las ouas vout in saung,
Parfin matza ls prüms naschaunts.
El ha fat zuond figk tampastar,
Et ls salips tuott lur ærbas sü magliar.
- 95 Eir ls hal dat blærs pluoilgs e raunas grond-mantuns
E sün la lgieud üffladüms e blærs bügnüms.
Tuot quellas pleyas haun als Aegiptars sten sekduschü
Et als Israelitar zuond brick nuschü.
Als Aegipters haun gü zuond grond timmur,
- 100 Als Israelitters da gnir davent impedids inglur.
Parfin lgs ha lg segnar schkapantads.
Cur chi sun tras lg mar cotschan chiaminads.
Ray Pharo cun seis pövel haun giü pissa,
Chia quela strada seia eir par els pina.
- 105 Mo Deis ha atuot quel pöval giü fat prir,
Haun tuots aint in lg mar cotschan stü murir.
40 Ons ls ha Deis aint in lg dasiert spisantads
Als Israelittars zaintza lavurar ne chia.
Deis aint in la nüvla ls eira da strusch
- 110 Et ls feiva udir la sia vusch.
Cun mana e quaqras ls ha Deis spisanta
E zuond ingiün maungial me lascha:
Deis parfin oua our dün crap ls da,
Ttuot quel grond pöval e muvailgia bavrauntta.
- 115 Deis ha müravgliüravgliusamaingk par els guaria
Tras maun dal grond capitauni Josua.
Ngond el cun lg pöval auaunnt lg Jordan,
Ne barchias ne punts nun eira da pudair passar naun;
Schi ha Deis quel grond flüm farma,
- 120 Chia lova es lonsch inavo squffla,
Chia tuot quel pöval haun pudü passar via
Apee süt zaintza in giüna fadia.
Ngiond auauund Jerico la ferma citta,
Ses dyds giönd intuorn cun las trumetas suna.
- 125 Alg setlaf dy ngiond 7 voutass in tuorn sunond,
Schi ais las mürailgias datas gio tzuond,
Et haun tut aint quella ferma citta
E tuot lg pöval chi eira laint matza,
Guarda, co Deis ha mürafglusamaingk guaria

- 130 Par quels chi lg haun in agiüd clama.
Ha viond fat pasch cun lgs Israelitters
Cun ls Gibioniters,
S'haun 5 rais dals Amoniters in sembel raspads,
Contar ls Gibioniters zuond sten förgiads.
- 135 Haviond quels da Gibion trar Josua trammis alg dir,
Ruuond, chel praist in agüt als vögliä gnir.
Siond Josua cun ls Israeliters riuä,
Hal Deis da cour in agüd clama.
Deis ha dasort fat tampastar,
- 140 Gronda crappa tauntar las tampeistas massdar;
Blers plüs dals Amonitars ha la crappa cuppa,
Co la spada dals Israeliters haya matza.
Qua ha Josua auäund tuot lg pövals via Deis clamma,
Chia lg sulaj svögliä farmmar inpa;
- 145 Qua s'ha lg sulai a mätz lg tschæl farmma
E Josua via da seis inamis sten vandichia.
Dalg praincipi dalg muond inaun nun s'ha vdi,
Chia Deis heya la vusch dün hom vsche obedi.
Guarda co quel grond Deis mürfglus guarya
- 150 Par quels chi lg clamman in agüd elg crayan.
O grondamaing es das mürafgliar,
Co Deis taunt dal bain par quel pöval ha pudü far.
Josua ha tuots quels tsching rais clappa
E sün ün böseck fats pichiar ls haa.
- 155 Tuots ls rays chia Josua cun ls Israelitars ha matza,
Trentün dad els vain inombra.
Et ha tuots quels riginams tudt aint
E seet pövals raschya oura chi chiasauan laint.
Gideon, quel grond barun e bunn suda,
- 160 Cun 300 Israeliters ha blæra milliera d'Midianitars matza.
Raj Daidt ün grond barun ais stat.
Syond el juvan e parchüräua las nuorsas da seis bap,
Schi hal lg lyun elg uorss matza
E las nuorssas our dlur buochias sckiäpanta.
- 165 Amo üna mæ r barunya ha Daidt fatt,
Cura chel cun la slingia matze quel grond Goliatt.
Ell ha zuond blær guaria
Et a seis inammiss figk padimma.
Que hal tuot in nomm dalg sægner fatt;

- 170 Deis lg ha zaimpar vittorgia datt.
Deis tras Dauit ha ordina,
Chya Salamon es raj in seis pee schanta.
Deis lg ha taunta sabgentscha dat,
Chia sco ell nun ais ingün stat.
- 175 El ha seis raginam in pasch retschü;
Contar el ingün rai nun scha dasckia aluar sü.
Ell ha quel bel taimpel in Jerusalem fat far,
Vsche coschlimaing fat fabbrichiar.
El ha seis raginam figk richanta,
- 180 Chia lg argient gniua zuond pogk schma.
Ell ha seis cour zuond figk inclina vy dlas dunnauns,
E lg haun manna in puchads taunts.
El ha eir blær ottar fat fabbrichar,
Seis cour e appetit a cuntantar.
- 185 Samson tras Deis eir grondas barunyas fa,
Chel ha ün færm lyun matza;
El ha cun ls Filistinars fat gronda guerra,
Cun ünna gianoscha d'asan hal 1000 matza e mis a taera.
Deis ün grond benefici lg fa,
- 190 Ed ün grond miraqual lg es dvanta.
Siond el stangual e lass da la bataglia
E stueiua gnir in maun da quella chianaglia,
Schi lg es lg sægner praist surcuri,
Chia oua our dün masler da la gianoscha es gni,
- 195 Chia el ha pudü baiuar et s'afasckar
E sia vita darchia arturnantar.
O gronda pusauntza e mürauaglia,
Chia quel grond Deis fa per sia famaglia.
Samson siond in la citta Gasa loscha,
- 200 Schi a metza nott hal tudt las portas da la citta,
Cun las chiassas e chiatnatschs tudt sü giuæ
E sün ün muot purtadas e inplantadas bee.
O christiaun, taidla bain in che furtüna el es cruda,
Hauiond seis cour massa via da la duona ranta.
- 205 Quela lg ha cun lgischs, bells plets fat dir,
Co ell par sia forsa pudes gnir.
Ell ha gl sacret da sia farmetza palanta,
Co Deis heya quella in seis chiauels schanta.
Delila, sia duonna, praist lg tussett,

- 210 E sia fortza zuond dschuantett.
Ls Filistiners lg haun bain bodt lya
Et in la citta da Gasa prasun mana,
Elg haun lya taunt strett chel nun spudeiua mouar
Et seis duos ölgs lg haun chiatscha oura.
- 215 In praschun stueif el mollar qua.
Auaunt Deis s'hal figk homülia,
E via alg sægner da cour vra, d'schond:
O sægnar, num gnir bandunond.
Sæis chiauels sun darchio crasüds
- 220 E gronda fortza in el ais gnüdt.
Ils fürsts dals Filistiners s'haun raspads,
A lur fos deis Dagon grond vfferta far.
Qua eira masckial e femna tuot curi
Et in la chia sün quel palatzi gni.
- 225 Ils fürsts haun Samson fat aqua manar,
Pas chi possan cun el hauair spas v. bafunnar.
Samson ha alg buob chil manaua gü rua,
Chel lg maina pro las culöngias dimetz, chi tegnia sü la chia,
Par chel s'possa inpo putzar
- 230 E seis Deis in agüdt clammar.
Qua s'hal cun tuota fortza inclina
E trat las culöngas our d'suot la chia.
Qua ais la chiasa datta gio
E matza pitschen e grond chi laint fuo,
- 235 Chia blærs plüs sun cun ell matzads,
Co quels chel ha viuaunt cuppads.
Guarda, che alg inamuramaint fa
A quels, chi haun lur cours via dlas dunnauns ranta;
Chia Samson s'ha stü laschar ls öls chiauar oura
- 240 E sia vitta cun ils Filistiners moura.
Salamon ha eir gü seis cour via dlas dunnauns ranta
Et es cruda in sgrischus grond pchia,
Sco eir lg rai Davit cun Bersaba surpasset
Et aseis prus mari Vrias matzar lg fet.
- 245 Par grond exaimpal dessans quaist tgnair
E nos Deis bain auant ölgs havair.
Da cour lg dessens suvent ruvar,
Chel da tuot mal ans völgia vstar.
Huosa taidla bain, co chi va amaun

- 250 A quels, chi via Deis lur spauntza haun.
Asa, siond rai sur la schlata da Juda e Bengiamin,
Schi eir el gni a grond tapin.
Serah, lg ray dals Mors, guera manett,
Milli voutas milli sudads e 300 chiara chel manet.
- 255 Rai Asa eir el in cuntar cun sia armada va
Cun tsching tschient voutas milli da Bengiamin e Juda.
Siond in la val Zephata spera Maressa,
Schi hal lg sægnar in agüd clamma,
Dschond: o sægnar, atai es chönsch da far,
- 260 A pogs vitorgia contar blærs a dar.
Aint in teis nom eschans infina aqui rivads
Contar taunta gronda quantitat.
Taidla, co alg sægnar ha par els güstra,
Chials mors tuots ala mütscha haun piglia.
- 265 Rai Asa cun seis pöual es dauo curi,
Et haun als mors a mört battü,
Dasort chi haun tuot quela gronda armada matza
E zuond ingüns brich schiapula.
Mera, co Deis güstra e grondas barunias fa
- 270 Par quels chi lg clamman in agüd e chi lg saun gra.
O christiaun, taidla, ün ottra barunia d'völg quintar,
Co quel grond Deis vsche murafglusamaing sa far.
Senaherib, siond rai in la Siria gni,
Schi shal zuond figk ingrondi
- 275 Et ha üna gronda armada muanta
E tudt aint tuot lg pajais da la Judeia.
El s'ha zuondt figk adutza,
Chel es au aunt Jerusalem riuva.
Rabsakes, capitauni dal rai Senaherib,
- 280 Quel ha tschantscha fig stolsamaing da gritt,
E grondas innatschas chia el fa
Conttar lg pövel et eir la citta.
Qua ha lg prus rai Ezechias
Et lg soink proffett Jesaias,
- 285 Insembal cun lg pövel da la citta,
Haun da cour cun vratzchun via Deis clamma.
Deis ha ün aungial praist tramis
Aint lg chiamp da Senaherib,
Ilg qual ha aint in la nott matza

- 290 Dals Siriers, chi eiran raspads ala,
Tschient e ottaunte tsching milli
Et ha sguara tuot lur consilli.
Senaherib quel es mütscha
In seis pagais darchio turnna,
295 E fond vratzchun aint lg taimpal da Nisroh,
Seis duos filgs lg haun matza bain bott.
Zieua que s'heya d'chiapa,
Chia lg prus rai Ezechias s'ha amalatta,
Elg sægner ha ad Jeseia fatt dir,
300 Chialg rai cumonda sia chia, chel sto murir
E brich plü löngk in lg muond rastar.
Sia fatscha hal vout contar la parai et a crida,
Dschond: o sægner, tü sasch, co eau ne chiamina
Aint in prudenscha e ryalta.
305 Eau nay fat lg plaschamaint teis;
Cuntuot am volf vya tai, o sægner meis!
El ha zuond figk crida
Et vratzchun da cour vya Deis fa.
Syond Jesaias dauent dal rai stat yd,
310 Neaunt oura metz la citta stat gni,
Schi es lg plæd dalg sægnar tar alg prophet d'vanta,
Chia el es tiers lg rai darchio turnna.
Quaist d'fa alg sægnar dir,
Chel ha teis suspærs e larmmas vys;
315 El ha tia vratzchun eir exudi,
Chia tü amuo plü löng viuasch aqui.
Voul quindasch ons tia vitta langunar;
Seis plaschamaint tü vöglias far.
Lg tærs dy tü poschas gnir
320 Aint lg taimpal sya ledscha ad vdir.
Rai Ezechias tiers lg prophet ha ditt:
Qual es linsaina, chia nun heya dubitt
Chia lg sægner vögliã mia vitta langunar
E aint lg tærs di in lg taimpal sia ledscha tadlar?
325 Lg prophet dis: alg sægner ha dit et imprumis
E vain que a saluar zuond s'gür e fiss.
Alg prophet ha dit alg raj darchio:
Qual voust, chia lg sulai par 10 schialins tuorna *inavo*
Oder chel veyã plü praist aunck

- 330 Par 10 schialins plü inauaunt?
Lg rai par letta ha giavüscha,
Chia lg sulai vegniva inavo turnanta.
Alg prophet sha voutt vya Deis in vrazchun.
Lg ais tuott pussont e bunn,
- 335 Lg ha la vusch dal prophet tadla
Elg sulai par 10 schialins turnanta.
O gronda pussaunsa e mürauaglia,
Chia lg sägnar fa par sia famaglia,
La vusch dad ün hom vsche tadlar
- 340 Elg sulai inavo a schasantar.
Ahasveros, ün dals gronds rais
— — — tschient e vaing e seet pagais,
— — — — — — — — — — — — — — — —
— — — — — — — — — — — — — — — —
- 390 Nun pos aqui brick tuot quintar naun,
Co tuota stad ls es yds amaun.
Infina ad 8. diss sutembar ha que düra;
Lura ha Titum tut aint la citta,
Cun tgnin inguoscha e spondar saung
- 395 Nun s'legia in ingüna historgia taunt.
Flüms saung per tærra vya curriua,
Quel chi vargaivan fina la snuoglia gniua.
Blærs bels jufnals ha Titum a Roma tramis,
Par chials Romauns triumf e algretzchia füs.
- 400 Daschset milli haune tramis gio in Egipta afar lauurar,
Trenta parsunas par ün custaauns pudeiua ün cumprar.
Mo syond cha Titum cun seis chiamp
Aint lg pelegerung continuau aunck,
Schi sune dala fam v. dala spada matzads
- 405 Intuorn vndasch tschient milli inombrads,
Dasort chi sun sdrüts e dasipads zuond
E ruinads infina lg fuond.
Guarda, co Deis ha sgrissvsamaing chastia
Lg pöuel, chel haueiva par seis artauals sü piglia,
- 410 Syond cha in obedyentia nun haun vlü star
E zaintza meldramaint continuar.
Que es degk plaias da quaist muond.
O cristiaun, timpaisa da quels chia Deis büta in ifern zuont,
Co quels ston ardar, vstrir et eir ürlar,

- 415 Ne me gnir largs, mo asaimpar aqua stuair star.
La paina dal iffiern fin me nun ha,
E zaintza glüm et ingüna sprauntza hauair plü qua,
Mo asaimpar e saimpar prir
E me brick lgivrar dmurir.
- 420 Quaist par ün exaimpal ne mis auaunt,
Chia nuo indret ans inpaissan, co nos Deis pussaunt
Da tuots temps lg puchia ha chastia,
Baingia chel ha bain löng spetta.
O lyas, Ingadina e Sarnetz,
- 425 Scha nuo ans inpissesan bain indret,
Scha nos Deis aseis artauals nun ha parduna,
Schi che desse duantar cun nuo, chi vain sco els falla?
Nuo gnin da Adam et ünpart da Cain naun,
Ed vsche pogk bön pigliains amaun.
- 430 In nos cours es varetza, superfgia e malvuglentscha,
E regna trauntar nuo da tuotas sorts sturpgenscha.
Che es auaunt alchüns ons dvanta
Par livilgia, varetza e superfgia?
Siond chial bülg da Fraunscha eira massa stret
- 435 Et alg ngnif dad innichün nun gniua dret,
Schi s'ha alchüns vlü inschingiar,
Alg rai da Spongia da tatlar,
Dasort chin las Lyass ha duos factiuns regna
Et haun strofgrichts in peis dritza,
- 440 Haun fat ad alchüns eir zuond bandir
Ed our dalas lyas fats fügen.
Que ha vsche inpo düra,
Et ls bandits vleiuan darchio gnir achia.
Lünna factiun als vleiu mnar,
- 445 Et lottra factiun nuls leiu laschar.
Qua amas duos factiuns zuond sten förgiadas,
Chi gniuan dal mal spiert flitzadas,
Amas parts sun cun las armas sü aluads
Et s'haun insembal fig schlaffads.
- 450 Üna vouta a Valandos e lottra in lg plaun da Tusaun,
La terza gio suot Cuoir es yd ad alchüns mal amaun,
La quarta a porta zura sckiaramütscha
E blers prasun aint lg ckoufhuss mana.
Bler temp sun stats parchürads cun guargias ala,

- 455 Infina chi s'ha darchio parlamenta.
Guarda, che prapchias e superfgia dritza
Et lg diaual cko quel flitza,
Chia lg saramaint, chia las lyas haun güra,
Vain ruot e spargüra.
- 460 O exaimpal dessan tuots tour
E vya deis vrar da cour,
Chel ans völgia da varetzchia e maluulgentscha vstar,
Tuot nos puchiads ans pardunar.
Huossa tadla indret, che payalgia chins füs gni,
- 465 Scha Deis cun sia gratzchia nuns füs stat surcuri.
Cur lg hertzi düchia Leopold es da que gni asauair,
Schi hal tramis lg coronel Valdirun palguair
Lg qual es gni cun sia armada Ano 1621
In vall da Müstair cun fö e spada,
- 470 Ha quella tut aint e tuot sbundria,
Lur robas, in ls sacrets mis, tuot sü chava;
Eir ls Salspurgars passa Müstair a Crusch riuads
Et s'haun ala fig schansiads.
Lg Valdirun üna gronda fortetza ha fat far,
- 475 Dadaint la baselgia da Santamaria fat schantar.
Scha sudada femnas haun podü dar dmaun,
In la fortetza las mnadas haun.
Qua haune ad ellas suarguonia
E lur giavüsch cun ellas cuntanta.
- 480 Haun in las chiasas chiatscha fö
Et eir lur robas dassipa cun gö.
Blæra lgieut da la Val sun in Ingadina gnids
Et in las lyas et in Switz partuot fügids.
O timpaisa, che furtüna chils es gni,
- 485 Cun che inguoscha stuair mütschar iminchiadi.
Lg Valdirun naun tras Chiaunsegk nun s'hal fida,
Chia nuo hauain gü tras dun da Deis bain schansya.
In Chauntsegk eschans bler temp stats cun l'arma in maun,
A Deis avains da cour rua, chial fadif nun possa gnir naun.
- 490 Siond chia lg Valdirun qua naun nus ha fida,
Schi hal cap: Carnütz sur la fortetza dla Val schanta,
Cun üna ferma guargia laint,
Et ls ha dats ün ferm cumandamaint,
E la sia armada our dala Val mana.

- 495 Es ala voutta da Ingiadina zuond marscha;
Ha eir quela zuond tut aint
Cun bleras larmmas e spondar saungk;
Ha plü co 127 parsunas fat prasun;
Aint lg chiastæ da Landeg sarads aint sun.
- 500 Quaint löng haun stuü star,
Grond frai e fam haun stü indürar.
Haun amuo plüs d'val zuot dats d'maun
E gio dasper d'Susch matzads chils haun.
Ala sun lur corps sutarads,
- 505 Passa da tschient e vaing in sü nombrads.
Sün in Sarnetz es gni lg Valdirun
Et ha a nos pöval fat gürar subgetziun.
Lg Land Fürst ha eir commissaris tramis ans far gürar,
E la tærtza vouta hauins que stü far;
- 510 Hauains eir tuot nossas armas stuuü dar
Et aint lg chiastæ da Tarasp e da Dunudar las laschar mnar.
Capuciners sun eir ngnids in Ingadina
Ed ins haun mis blerra ruinna;
Hauains par forsa lur messas stü tadlar
- 515 Oder ans laschar dauent prasun mnar.
E chi nun leiua alur confessiun yr,
Haun stü lur morts aint in ærs et ls örts sapulir
Ed in sunteri zuond brich laschar mettar.
O cristiaun, tinpaise, co nuo hauain gü düras letas.
- 520 Parfin hauains la spaisa gio d'buochia a nos vffaunts stü trar
Et ala sudada par forsa e par inguota dar.
Haun eir chatscha fö in Ingadina zuot
E ars ls vyds da partuot.
Susch zaintza ardar haun lascha,
- 525 Par chi haian lur quatier ala.
Guarda, in che furtünas e puuerta.
Chia nossa superfgia e discorgia ans ha mna;
Apussaivalmaing vessans amuo plü marytta.
Lg Valdirun ha üna guargia in Ingiadina lascha
- 530 Et a Cuaira e a Zitzars e marscha.
Qua hal figk fat schantziar,
Scha Switzars e Frances ngnissan, das pudair vstar.
Intaunt hauains via Deis da cour vra
E sur noss puchiads figk suspira,

- 535 Cun bleras larmmas e grond suspürs,
Chia Deis ans völgia darchio gnir in agüdt.
Nos Deis taunt misericorgaival es stat,
Chel ha Switzars e Frances muantad.
Quels sun in las Lyas gnids
- 540 Et haun ils Kaisars zuond davent battüds,
Haun tudt lg Valdirun
Et in Cuoira fat praschun.
Qua s'hal auant lg pövel stü s'insnuolgiar
È cun mauns in crusch gratzchia e quater ruar.
- 545 Quater lg haun dat e fat gürar,
Chel contar las Lyas nun völgia plü turnar.
Ma seis saramaint hal mal salua,
Chel es in lg pagais darchio bot turna.
Las desch dratüras hall eir tut aint
- 550 In Vall d'Partens fat lg sumgaunt.
Haun eir lur armas stüü dar
E las laschar davent manar.
Siond chia ls Partensars armas nun haun gü,
Schi haunc cun ls pals gialgiardamaing cumbattü,
- 555 Et s'haun zuond bain dapurtads
Et haun ls pals sco baruns dufrad,
Haun ls Kaisars our d'Partens chiatscha
Et haun cun ls pals zuond blers cuppa.
A duos capücinars haune eir mal trattads
- 560 E zaintza armmas gio cuppads,
Dasort chingün capicinar nun s'ha fida
Da yr in Partens par star alaa.
Siond ls Kaisars our d'Partens schiatschads,
Infina in Susch ls haun s'curanttads,
- 565 E s'haun via sur loua ratrads
Et haun spalaunchi la pundt d Platz.
Quels sun a la voutta da Sarnetz gnids
E la guargia chi eira in Sarnetz cun els fügids.
Haun via tras Fuldera marscha
- 570 Ünna mala balandada ans haun lascha.
Haun lg prüm in Rövan zura miss lg fö;
Que eira alg inami ün grond gö.
Quel s'ha partuot lg vy raschaa
Et ha las chieras arsanta.

- 575 Deis par sya gratzchia e buntad
Ha las chiassas da Runatsch e Brail schania.
Quellas sun in tærras rumasas;
Las otras sun tuot a tschendra arsantadas.
La lgieut da Sarnetz eiran in ls goods mütschads
- 580 Par chi nun ngissan mnads dauent praschun v. amatzads.
O chiars fidels, bain indrett ans dessans inpissar,
Quaunt chia nuo hauain gü da manar vya e da larmmar.
In Vutlina eira ls Spangous raschiads aint
E quela zuondt tudt aint;
- 585 A Buorm sun ls Papalins eir els tradt,
Ünna gronda fortetza chi haun fatt.
Lg Sr marches da Cœures cun sia armada es gni,
Frances e Switzars chia ell ha gü,
Ha ls Spangous dauent schiatscha
- 590 E cun ls Papalins parlamenta.
Els haun la fortetza alg Sr marches dat aint a maun
E sun trats our d'Buorm plaun plaun.
Siond lg Spangous dchio in Valtlina ngüdts,
Et a nos pövel auaunt Tiraun batüts,
- 595 Eir our d'Buorm stü dar læ
E brichia haun daschia spattar quel gœ.
Ilg Fernamunt elg Gols cun gronda armada
Ngids in Val da Müstair cun blera sudada,
Vaing milli bun sudads pruads
- 600 E dudasch milli lekais, famalg v. femnas nombrads.
Quels tuots pilgiauan paun da monitiun.
Que mha raschuna ün bun Grischun,
Chi staua eir ell als a saruir
Elg paun güdav ell oura cumpartir.
- 605 Ans viond nuo in Chiaunt segk massa flaivals chiatats,
Da star scuntar ataunta quantitadt,
Schi vainuo partuot las Lyas staffettas trammisas,
Par chia ellas in agüd ans ngissan.
Qua veiuva alg inammi tramis sacretamaing
- 610 In alchünas dratüras cun inpromisun e dar ardimaint,
Chi stettan færms e nun aluar,
Chel vuls völgia ne mal ne leed als far.
Qua vains cun vratiun via Deis clamma,
Chel ans güdar vöglia sainparma.

- 615 Deis par sya gratzchia ans es surcuri,
Chia la transera in Chiaunsegk hauains mantgnü.
Ils d'Ingiadina zura promptamaing
Cun set tschient hommens sun tar nuo gnids aint.
Siond chia lass Lyas intardauan da rivar,
- 620 Schi leiva ün part cun lg fadif parlamentar.
Ilg inammi ha eir prua da sfursar naun,
Cun dudasch tschient sudads ans chiatschar maun ;
Sun eir gio suot la chialckera dla Fdangöla passats
E cun ls falcunets als hauains turnantads.
- 625 Qua vains via Deis da cour clama
Et in vratiun persevera.
Sün que es alg inammi our da Santa Marya yds
E sü Luuin tar ls Luinaschs sun ngids,
Par gnir tras Caschaunna in Ingadina
- 630 E far cun nuo noscha farinna.
Inque ha Deis par spüra gratzchia dritza,
Chia Hainrich düca da Rohan es in Zuoz riuva
Cun Switzars e Frances insembal
Anuo par ans defender.
- 635 Qua s'hal bain praist fat sü
Et cun sya armada in Luuin es gni.
Qua ls hal in nom da Deis mis maun
E battü ls Kaisars brichia plaun.
Qua haune cumanza as ratirar,
- 640 Cun gronda pärsa our d'Luuin marschar
E sun a Buorm tras chiaminads
E gio a Matz darchio chiampads.
Alg bun düca es yd ala voutta da Puslaf
Es yd a Matz inpressa par ls chiattar
- 645 Et ls ha in nom da Deis mis maun
E zuond blers sudats matza chi haun,
Our d'zur punt da Matz blers salgantads
Et aint in loua stansantads,
Dasort chia zieva la riuva taunt morts eiran,
- 650 Chia lg flüm da lotra vart bütteiua.
Sco cur bler buoras vain in loua chiatscha,
Usche blers morts eira in las riuvas farmma.
A saidesch tschient haunne fat prasun
Et in baselgia da Matz sarads aint sun.

- 655 Alchüns s'haun oblyads da saruir
Et alchüns a Sarnez praschun fats gnir.
Quels tuots v. pogk v. bler eiran playads,
Gia alchüns zuond mall tratads.
Als Kaisars fort marscha
- 660 Haun in Freill darchio spatta.
Quel tapfar barun, lg düca da Rohan,
Ha marscha dauo, mo brichia plaun.
Lg bun düca ls ha darchio sagli
Et ha 'ls Kaisars zuond mal battü.
- 665 Qua hal taunts blers matza
E zaintza sapulir lur corps lascha,
Sco lossa hotz indi spo vair:
Que es stat ün tridt tramelg paluair.
Quels chi haun pudü mütschar vya,
- 670 Sun yds tras Santa Marya,
Haun raschuna da co chi ls es yds,
In nos pagais me plü sun gnids.
Quel bun cap. Bartli Kellar,
Capitauni dals redlis Apacellars
- 675 Ünna guargia aint in las alps da Müstair ha vlü schantar,
Mo lg Sr ambaschadur da Londa nun ha vlü sgundiar.
Scha quel cusalg haues pudü valair,
Ingün Kaiser nun vess pudü mütschar paluair.
Quel tafar barun, lg düca da Rohan,
- 680 Che s'hal cusglia e tudt a maun?
Duoss grondas fortetzas da far far,
Lünna suot Cuaira, lottra a Susch schanta;
Que tuot in s'güretza da las Lyas.
Mo bain racuschüd nun vainuo mya.
- 685 Hauiond nuo taunt bain dad ell ratschauü,
Che graa lg hauains par que sauü?
Coronel Gianatsch dadour munds üna prapchia fa
Et ha lg bun düca dauent chiatscha.
Cur lg pövel d'Ingiadina haun que sauü,
- 690 Tuot lg pövel grond leet e malla vitta haun gü.
Pero usche es la pegia dalg mal muond,
Chial bain saruir vain imblida zuond.
Tadla bain, amuo inpo stou eau dir naun,
Co chi es alg coronel Gianatsch yd amaun.

- 695 El ha vlü la Lya da Spognia far,
A seis petit a contantar.
Cur chia el a Spagnia ha gü bain tatta
E sia buorsa bain inpli e sadula,
El s'tgneiua zuond grond e bun,
- 700 Chia ell vess doblas raspa ün grond mantun.
Deis bodt d'vantar ha eir lascha,
Chia ell es sco ün bouf grass cuppa.
Merra, quaunt pogk temp chel ha pudü giudair
E da syas doblas algretzchia hauair.
- 705 Quaist tuot par ün exaimpal ne vlü schantar,
Par chia noss uffauns possan chiattar,
Co chia nos Deis ha da tuot temps chiastia
Tuots quels chi parsavareschan aint lg puchia.
Baingia chia Deis fa lungia spetta,
- 710 Schi vain ell inzacura cun la vandetta.
Ell es ün Deis da la güstya,
Chatiuergia e putrögnia nun lasch el passar vya.
Ell sta löng da s'grittantar,
Cun vratiuns da cour s'lasch el dchio bunyar:
- 715 E schia tü nun vouch esar chiastya,
Schi d'parchüra dal puchia.
Deis ha lg prüm muond figk castia,
Cun loua dal dilui zuond peranta;
Pharo cun seis chiamp per lur puchads
- 720 Sun aint lg marr cotschan stansantads;
Corach, Datan e Abiran per lur grandaschia
Sun fundats gio ad iffiern vifs sco bischa.
Aint lg dassert ha Deis peranta
Sestschient vouttas milli hommens d'armma.
- 725 Que es par lur pochia cretta,
Schi ls ha Deis fat quella vandetta,
Arsalf Calep e Josua,
A quels duos ha lg Sægñiar schannia.
Quels sun stats crataivals e fidels
- 730 E lg Sægner es stat cun els.
Rai Daut ha eir per sia superfgia gü pchia,
Chia ell seis pöval ha gü nombra.
Mera, in quaunt Deis ha
Seis raginam zuond fig parchia,

- 735 Chia in 3 dys morts oura sun
Sattaunta milli a Buryun.
Als Israelitars haun eir pachia
E sun in Babillon prasun mana.
Zieva settaunt' ons ls ha Deis turnantads
- 740 Our da Babilon et in lur pagiais manads.
Qua haune darchio ingün bön tudt a maun,
Infina cha Titum ls ha miss maun
E cun Vispesyanus ls ha ruuinads
E zuond oura raschyads.
- 745 T'inpaissa, quant cha nuo hauain mna vya,
Guerras, glondas, fam e malatya,
E par nos puchiads ans es quai dchiapa,
E hauessans amuo blær plü maritta.
Pero nos grond Deis, chi da vittorgia,
- 750 Ha cun nuo dufra gronda misericorgia.
Ûn bun cusalg s'da quaist Grischun,
Chi ha tuot quaists fats trat a mantun.
Scha vuo ngi da cour alg taidlar
E zuaintar seis cusailg indret s'dapurtar,
- 755 Schi vain Deis in quaist muond vantura ans dar
E zieva quaista vitta ain in parauis ans mnar.
Vuo superiuors indret s'wölgiat dapurtar
E voss subgiets brichia chialchiar.
Lg mal dessat cun güstia chiastiar,
- 760 Buna raschun e policia bain saluar.
In vos vffici seiad brick tardaunts
E laschad far lg mal sco ls vffauns.
Superiuors geian auant cun bunn exaimpal,
Schi vain lg pövel eir zvaintar.
- 765 Lg pled da Deis eir dafendai
E sia baselgia sustantai,
Güda a scodün pro dret e raschun
Tört nun laschai far ad ingün.
Saia a sgnours ricks, povers v. famalg,
- 770 Schi tgnai raschun tuots ad ingual.
Saungk inotzaint nun spondarai,
Forsa e tört ad ingün fai.
S'algurda cha Deis ais
Ûn sægner sur tuots sgnuors e rais

- 775 E po nus tuots ckönsch chiattar,
Chi vlain alg prossem pür chialchiar.
Eir vus, baps e mammas, s'algurdai,
A uos vffauns cun bun custüms mussai,
Pærchia bain a temp nun vögliat spargniar,
- 780 La temma dalg segner als amussar.
Que vain vffauns indret,
Chi vegnen naun dad ün bun tschep,
Sco als vffauns da Abraham,
Chi haun possudü la tærra da Canaan.
- 785 Eir vus vffaunts, obedientzchia vögliat far
E via Deis par benediciun ruar,
Schi s'vain Deis vantüra in quaist muond s'dont
Et in parauis s'inquarunond
Cun beadentscha æternalla
- 790 Aint in la cuort cælestyala.
Eir vuo, patruns e patrunnas, indret s'daportai
Vers voss laurains, chi's lauran d'fai.
Eir vus saruiants, fidelamaing lavura
Schi gniuo da Deis zuond bain paya.
- 795 Als povers vögliat cuffartar
In amur da Deis almousna als far.
Als amalads vögliad tscharchiar
In amur da Deis als cuffartar.
A uos prossem da cour dessad amar,
- 800 Alg sieu contar lg apussaival brich giavüschar.
Culpaunts eschad alg prossem dal saruir
Et lg sieu brich manuir.
Que chia vuo vlai chi s'vegnia fat,
Eir ad ün oter des gnir dat.
- 805 Scha vuo lai lg parauis tras Christ surfgnir,
Schi dessad alg prossem fidel saruir.
A Deis dessans adurar da cour,
Aint lg bsœng alg prossem güdar our.
Scha quai tuot indret saluain,
- 810 Schi vain alg Sægnar ans far dalg bain
Et aint in parauis ans mnar
E glörgia æternala ans far artar,
Tras Jesum Christ lg nos singur.
Ad ell vegnia dat tuot lodt e hunnur.

- 815 Quaist nai scrit par ün exaimpall;
Cragai paluaira, chia que nun mainta.
Schi 'ns para greif las plæias in quaist muond,
S'impissa quaunt plü greif ais iffiern zuond,
Inua orma e corp stovan ardar et vstrir
- 820 E me brich lgiurar d'murir.
Ardar asaimpar in gronda painna,
A quel foe me nun maunchia lainna.
Quaint me nun ais fin da plauntschar e cridar,
Sgritzchiar dals dains e sailper örllar.
- 825 Que ais in las scküretzas dadoura
Elg værm dla consyentzia chi me nun moura.
Qua surleifgia chün me nun vain,
Ne me havair sprauntza da star bain,
Et havair ls sgrisvs dimunis in compagnia,
- 830 E stuair star sailper in lur lya.
Ls quals sun sailper grits e sten förgiads,
Sun taunt sgrisclus e malpriuads,
Ls quals sailpar titzan e ston sbrügir
Par tuot lifiern chi sto strambliir.
- 835 Ad ün orma cundanada me vain dad
Neaunt cun ün guot d'oua rafraischiad.
Quaint ais scküretza, pützur e füm,
Asaimpar painar et essar zaintza lgüm,
Ingüna sprauntza me plü haun
- 840 Da gnir liberads dalg læ chi staun.
O christiaun, que tha des bain muantar,
Da essar pruss e nun fallar,
Eir bain indret tha dëssas inpissar,
Scha tü stuessas ün daint dün maun inpo in foe saluar,
- 845 Tü gnissas figk a cridar et as bragir
E brich metz vra a pudair sufrir.
Mo in iffiern fin me nun ha,
Orma e corp sailpar e sailpar gnir turmantà.
Qua me nun chialla lur sbragir,
- 850 Ne me ün guot d'oua pon surfgnir.
Cuntuot dëssans da cour vya Deis clammar,
Chel ans vögliä da tal furtüna vstar.
E scha nuo cun vaira cretta lg ruuain,
Schi vain ell ans far eir quel dalg bain

- 855 Et aint in parauis ans mnar,
Pro seis soingks aungials a tryunfar,
In cumpangia da tuot beads tscharnüds,
Schi eschnuo vantüraiuals e bain naschüds.
O chiar cristiaun, bain indrett dessas tour a cour
- 860 La gronda algretzchia, chia ingüna læungia nun po dir our.
Aint in la cuort coelestiaa,
In tuotta beadenscha æternala,
In compangia dals soingks aungials,
In parauis me nun s'vain staungial
- 865 Pro tauntas beadas ormas:
Que ans des muantar, chia nuo nun dorman,
Mo cun vaira cretta in vratzchiun persauerar,
Schi vain lg Sægñiar quella grond hierta ans dar,
Chia Jesu Christ ans ha surfgni,
- 870 Tras seis soingk saungk ans ha guri
Ens ha tud sü par seis artauals
Ens fa da taunta glörgia vaira parsnauals.
Cun tuot lg dessan a nos Deis da cour alg ingrätzchiar,
Tras Jesum Christ nos Sægñiar chiar,
- 875 Insembal cun lg soingk spiertt, chins ha santifichia:
Que ais la soingchia trinitta. Amen.

Tia grätzchia, o sægnar Jesu, tia chiaritad, o æternal bap
coelestial, teis cuffortt, o soingchissem spiert; ün sulet æternal
tuott pussauntt Deis, saia cun nuo e reista aint in nos cours,
hoatz e sainpar in tuotta æternitad.

Amen. Amen.

